

— 225 —

lebt, gehabet solte han, die er vns ze Friburg vor dem rate gap vnd vf gap, haben ze kouffende gegeben vnd vf gegeben, lidtlichen vffer vnssere gewalt, dem erbern ritter her Cuonrat Dieterich Enemiline von Friburg, in sine gewalt vnd in sine nutzliche gewer, ime vnd sinen erben ze besitzende ze habende vnd ze nießende lidtlichen vnd eigenlichen, ane menglichs irrunge ane alle geuerde, vmb zwei hundert mark silbers lötiges friburger geweges. Vnd sin wir des selben silbers von im gewert, vnd haben es genzliche in vnsern nuß vnd fromen befert, vnd haben es vergolten an den stetten, da wir es schuldig waren. Wir haben och die burger von Friburg gebetten und geheißten, das sū das vorgebant gelt geben ierliches, dem vorgebant ritter vnd sinen erben, ob er enwere, ze dem vorgebant zil, verrihtenliche vnd vnuerzogenliche, vnd sagen och den burgermeister, den schultheiß, den rat vnd die burger gemeinliche von Friburg, des vorgebant iergelichen geltes genzlichen lidig vnd entladen sū mit guoten trumen ane alle geuerde. Wir globen och mit guoten trumen disen vorgebant kouf vnd dis ding stette ze habende, und niemer da wider ze komende noch ze tuonde, mit geistlichem noch mit weltlichem gerichte noch ane gerichte, noch mit defeinen dingen, damit der vorgebant ritter, oder defein sin erben oder nachkomenden, an dem vorgebant ierlichem gelte geirret, gesumet oder befrengket mugen werden, nu oder harnach, mit worten oder mit werken, defeine wis ane alle geuerde. Vnd alles, das davor an diesem briefe geschriben stat, das han wir gesworn stette ze habende, einen gestabeten eid zuo den heiligen. Herüber zuo eim vrfunde, vnd das dis vorgeschriben ding alles war vnd stete blibe, so han wir vnser ingesigel gehentet an disen brief. Vnd ich Graf Friderich, mines vorgebant herren Graf Cuonraten sun von Friburg, vergihe och offentlich an diesem briefe, das die vorgeschribene ding mit miner wißende vnd mit minem guoten willen vnd gehellunge geschehen ist, vnd geloben es och mit guoten trumen genzlichen stette ze habende, vnd niemer dawider ze komende, noch ze tuonde, mit